

玄同室遺稿

乾

玄同室道稿

鄭東愈

注 意

卷一
卷二
卷三
卷四
卷五
卷六
卷七
卷八
卷九
卷十
卷十一
卷十二
卷十三
卷十四
卷十五
卷十六
卷十七
卷十八
卷十九
卷二十
卷二十一
卷二十二
卷二十三
卷二十四
卷二十五
卷二十六
卷二十七
卷二十八
卷二十九
卷三十
卷三十一
卷三十二
卷三十三
卷三十四
卷三十五
卷三十六
卷三十七
卷三十八
卷三十九
卷四十
卷四十一
卷四十二
卷四十三
卷四十四
卷四十五
卷四十六
卷四十七
卷四十八
卷四十九
卷五十
卷五十一
卷五十二
卷五十三
卷五十四
卷五十五
卷五十六
卷五十七
卷五十八
卷五十九
卷六十
卷六十一
卷六十二
卷六十三
卷六十四
卷六十五
卷六十六
卷六十七
卷六十八
卷六十九
卷七十
卷七十一
卷七十二
卷七十三
卷七十四
卷七十五
卷七十六
卷七十七
卷七十八
卷七十九
卷八十
卷八十一
卷八十二
卷八十三
卷八十四
卷八十五
卷八十六
卷八十七
卷八十八
卷八十九
卷九十
卷九十一
卷九十二
卷九十三
卷九十四
卷九十五
卷九十六
卷九十七
卷九十八
卷九十九
卷一百

[illegible]

[illegible]

[illegible]

This image shows a blank, aged, cream-colored page, likely an endpaper or flyleaf from an old book. The page is ruled with vertical lines, creating a series of narrow columns. The paper has a slightly textured appearance with some minor discoloration and a small dark mark near the top left corner. The right edge of the page shows the binding of the book.

[illegible]

[illegible]

[illegible]

[illegible]

[illegible]

詩

夜坐憶友人

過兩河漢霽秋容澹無迹
忽念井東子高卧吟山閣
霜清竹聲乾溪冷林光薄
悄坐應此時將無病離索

春日野行有感

春候一百五日風信二十四
番不解人間愁恨年年
吹綠燒痕

月夜寄朴至叔二首

顧無拔俗韻常嘆徒侶稀
陌上無相識行歌伐木詩

自我有至叔餘子不願知結識須早歲相憐共黑髭

其二

多病罕追尋時月踵子門一畝城東宅貧居類荒村
客至始開門怡然歡笑真滿戶青山色葱翠鬱如雲
時對茅容飯益傷原憲貧遺書且滿架徃徃發高論
高窓遲迓照出門忽驚矐我欲移東村長與子為隣
杖策易過從復欲誨子孫重遷還舊閑此會恐無因
悄坐看秋月當時倍思君

九月十五夜

點絳脣

井上梧桐秋來葉葉寒聲報着何忙惱無酒黃花老

明月年年照得愁多少
今宵好舞來顛倒風落叅

軍帽

戲題 如夢令

獨伴寒燈不寐
注視如癡似醉
殘月轉高桐
掠亂此心難置
無睡無睡
坐數曉鍾三四

示諸弟三首

好賢名吾坊
嚴恭著先懿
門閭雖籍舊
世德邈難嗣
但保淵冰思
遺烈庶無墜
太常深遠字
吾家三得謚

其三

吾宗百餘人
飢寒要不多
溫飽若固有
不念其本何

高曾積心德雲仍享天和此理貫終古非獨謂吾家
其三

易卦六十四純吉惟謙辭豐豐三聖說致意獨勤斯
驕吝所深惡證言及先師觀人莫良此禍福從可推
次簡易集畫竹韵

嫩葉

宿根迸新葉應妨卧醉翁八酒有好分只許春意同
笋竹

促節具體小重飴養胎成早向青霄直先含百尺情

新梢

進枝先窮物展尾尖闔片娟娟綠葉大此別舊竿脩

烟竹

畫竹不成竹只在渠胸中即素認繪意無之以為功

風竹

竹性無大小唯風乃韵生品譜雖多數一言蔽之清

雨竹

洗去逾踈淨浮塵一點無高梢滴清響聲聲醫俗夫

老竹

寒葉猶踈枝瘦影更脩節雪月與霜風清韵老無闕

雪竹

春夏不增榮有是能冒雪貞心貫四時非難歲寒閱
昭格署遺址

三清昔有署昭格此遺基存廢關王政賢良會盛時
伏蒲容乙夜祈籙撤青詞行古休輕議諸公百世師

呈族叔子尚氏二首

聞說前宵三百杯龍蛇滿紙勢難裁如教齷齪醒時
在那得清狂酒後來

其二

一年一醉選佳辰醉後飛揚愈見真論世豈無名下

士如君方是眼中人

席上示諸弟

柳色濃深尚帶黃
綿衣已暖袷衣涼
三家酒熟金春醉
衆樹花開一院香
意健忽忘他日病
身閑常覺別人忙
宜預抵夕謀歡會
麗景如年不厭長

病起春已暮贈諸弟求和

三旬伏枕限追隨
病起翻驚節物移
婦酒多情知久待
庭花呈笑若相期
君因得伴重登麓
我為聯篇續和詩
未遣一春多小興
且行幽草綠陰時

送李兄寄錦山八首

出宰湖嶺間官薄不至寒况聞南來語多說錦山閒

其二

閒劇雖云殊臨民無大小但要識體明非貴發奸巧

其三

為長自有體嚴臨莫借顏俛處雖整得弛來多失寬

其四

忠信宜蠻貊御史寧獨酷徃徃威重名祇緣鼓吹肉

其五

出錢當民役謹然始補賢濫恩非盛事按例不煩蠲

其六

一事涉要譽赧赧病夏區俗吏八時樣大家存規模

其七

細看生財穴俸外皆無名未應區別甚後弊亦由生

其八

古賢多作吏誰非為俸錢在官無廩號歸家不買田
聞科場紛亂士多死傷

赫然真死十人過殘疾舉歸復幾家縱使登庸皆俊
彥一城歌哭竟誰多

凡翁來坐在山樓見招

家與山樓近登臨懶却稀還因遠客至仍賞晚春歸

嫩葉含清影餘花散翠微
願君頻命駕吾亦愛芳菲

秋詠

歲閏生涼早初秋聞度鴻
蕉心猶獨翠棗頰已全紅
補篋藏新藥安絃理古桐
病來心力減經史讀無功
姜豹菴宅次席上韻

楹外挺孤壁窓中列遠山
瀑喧身自靜雲近意長閑
一事無塵累平生有好顏
清談多異聞常使客忘還

對鏡

不作傷神事年來病欲微
檢圖行壽養投酒服當歸
齒賴揩鹽固鰓從斷慾肥
攝生時自得頻覺古方非

閑居

往還終古罕生長巷闔深熟客無新語閒詩不費心
更衣便早暮因曆註晴陰獨愛月明夜隣師過抱琴
寄李幼公日本磁杯

飲具常為啜藥供容能一酌不論鍾壘壘注玉渾無
賴撤寄城南小酒龍

八月十八日

春夏足風雨秋來多日陽一旬看好月前夜下微霜
翠老芙蓉水紅鮮薜荔牆早禾先八醵重九熟應香

偶吟

心閒始覺此身安
信手拈書漫浪看
煖被日高方睡足
夜來風雪不知寒

其二

偏占便宜意熟安
甘辛更可體人看
霜晨未許家僮出
我獨重裘不省寒

送仁叟遊四郡

舷外青山東面濱
桃花流水漲峽江
新知君一日丹丘
賞勝似城南十見春

蟠松聯句

滿院彌清陰
盤旋結老梢
叟階庭培植
古年壽記傳

殺根石知相值榦柯訶許轆愉支撐齊屋角偃蹇盡

庭坳怒搏騰岫虎驚回倒壑蛟仁尻高疑倪咏癭重

似懸甔橫架飛崇闕豎張空反殖愉連延斜復整錯

落解還膠產石神芝捷竅窮老葛包仁徐行終屢顧

旁赴忽相交委曲之玄體絕連剝姤交愉七蟠雲繞

軫百折路纏嶺節古增輪困竅空激譟咬仁龍腰迤

迤緩折鹿角攢忙跼亂眼終愁辨多形未暇批愉詠俳

同朔滑詰屈比盤聲瑰詭窮神巧支離病地磽仁猶

堪存古迹自愛近書巢夜韵風徐八秋鳴雨急捎愉

雪擎張玉傘月隱碎金鏡細籀苔鑱蠹香珠露泣蛟

仁 伏龜應化液巢鶴合安胎晚操隣衫節春香傍竹

苞愉中繩慚杞直全壽幸禱拋薦首根當枕糝羹粉

墮看仁賦形寧有種矯性竟誰教帝偃難得妙天隨

善解嘲愉槐深符種德相古賴誅茅珍植侈庭宇殊

觀罕鄙郊仁獨吟難下語聯筆費推敲愉

同仁叟拙韵

天空月正滿呈露悉纖毫鍾酒先風徹樓臺挾雪高
團龍消夜食睡鴨烘寒袍不與君同夕將無負我醪

次仁叟咸字

狂疎獨見恕餘子笑嘲咸伴病吾無友嗜書君太饒

相師詩一字同戒口三緘敗意從渠俗何勞辨苦鹹

寄朴至叔 恭陵直中

同城久恨懶追攀況遣祠郎赴恭山地是園陵饒
氣色官如僧道足幽閑濃春齋舍藏花底遶日簾
繞樹間每往冷然何所善多應旬五讀書還

贈林景質

前春一札語千重對坐忘言意更濃夢裏尚尋兒戲
事途中應失舊知容卜隣有約寧無日駐馬相存不
當逢喜爾別來多所得夜治文史晝烹農

夕坐偶吟示羣弟求和

晚雨塵殘暑真同用驃姚甕開清簪郵水削老臯陶
數點歸鴻字一張新月殆對辰無綺語空自朶江桃

春園二首

山榴薌薌杏桃梅花簇參差不肯偕九十日看看未
足天翁元自費安排

其二

天機濔濔日遷移物自無心春自時萬樹紅飛生暗
綠細將芳嫩續紛披

衰病日甚決不赴科戲吟

慚愧從前妄揣摩容能倖得已時過絃歌百里奚論

學竹帛千年摠屬他。但且於焉聊復甬。將無奈此欲
如何。想來鷄肋終拋可。餘帳雖存狀更多。

偶吟

憂樂回觀過去身。童時嬉戲隔前塵。聰明自愛成何
事。蓬髮無端異昔春。止此敢懷求足計。哀來懼作愧
心人。但要八十如今健。日日能消酒數巡。

過東小門

東小門東一。申潯明沙淺。草雨無泥松陰欲。暮歸禽
語猶復垂鞭信馬蹄。

夕坐有懷寄陽城宰朴至叔

端居固善懷尋常抱離憂况茲林園夕風露動高秋
涼階步新月想極思轉幽官事俱整息君當此時休
印盒先封鑰門鼓已鳴樓稚子導昏燭高堂進夜暑
甘旨足官庖中厨失貧愁團樂勝家居經年成官游
微官豈身榮端為養老求念此慰離懷祈君久淹留
賦一物戲呈子尚氏

一物腦中百鍊成摸無稜角擲無聲不堪怨處猶存
怨可近古時亦避名號口寧容談屑吐靴皮長帶笑
紋生是非大抵休分別但向人多行處行

戶曹直中示林僚景深

直舍三朝早起眠榴花初發晝如年時常亂牀瘦安
署日聽紛譁厭數錢見似不知容吏過親中加好得
僚賢一樽有暇能相屬碧柳西風盡閣前

行過洛東江

纔過尚州道半午行人早暮厭山川歸雲曠野時舍
兩孤寺重峰忽起烟未見家書先計日回思巖路已
橫天停鞭賴有開心處洛水秋波正可憐

登架山巖

俯看平地少培塿簇相連目力有窮處雲光無際遙
敢言全魯小方覺渾天圓幟穴開州縣浮生信可憐

曉發河陽向大丘

曉日河陽渡春風雨滿船林平村對野溪破路侵田
歸夢多前夜南遊倦一年此行元自役怡張已徒然
義興縣齋次仁叟贈行韵寄示

貧仕本求外小監得所期正堪為俗吏無暇和清詩
臨事多能鄙觀心日就滯懷君情獨苦四十一相離
題美人圖四景

雷文古鼎鏤如苔香羅雲毬子夢回最是一年人困
候黃鸝不至驚初來

其二

牙簟清涼粉汗收
金塘花葉溢欄頭
宮紉扇面當時景
點猩紅盡石榴

其三

銀甲調箏錦石傍
商絃清切不煩張
始涼天氣微暄節
時墮庭梧不是霜

其四

屈戌屏風錦作新
波濤隱繡碧粼粼
羅幃擁煖香煤結
彩羽金餅解辟塵

述酒示諸友求和

食甘酒不甘
肉脂酒不脂
五味酒何居
人皆不知之

不知何愛酒吾又不自知所以酒為酒不然安足思
但知酒為性喜公不喜私無看尚可酒無朋何足危
同酒各醒醉異腸一喜悲千萬世間物非酒能有茲
願剪諸君手家向酒泉移不許有醒時醒時作酒詩

見李元魯炒豆歌贈六十韻

炒豆歌誰作元魯有健筆健筆何縱橫見者皆擊節
遍覽古今集曾無炒豆說君能敢題饒當笑劉郎拙
炒豆本微物鄙瑣不堪述都收入點攏雅格起聲律
態真模擬逼語竝情事勸道人不經道歷歷真有舌
誦傳一句句捧腹聽未卒詩情固可奇作意果何出

口腹人間世食品難數畢魚鱠所慾屠宰肉可齧
餅餐實肚虛茶漿沃心渴鹹有水晶鹽甘有巖間蜜
和油芝麻香糝粉薑桂烈凡此種種味有口孰不悅
若問元魯嗜捨此應無別把筆翻食疏可題許非一
何好彼炒豆疊疊盈屢札無乃失味性取舍何其謫
悲哉元老志微我誰能發初非為吟咏又非為哺啜
一篇炒豆歌有可言始末始幸元魯生門闢補甲閤
才性既承美工夫又踏實孤竹著隣黨嘉言服弟姪
經綸有家學也非迂儒術聰明郎餘事強記破萬帙
竝年馳聲譽長老許交結自得故不薄登庸期所必

世事嗟雲變衣狗屢經閱落五十餘窮老猶蓬草
盡消磊落氣徒存骯髒骨骨相不八時遂與世人濶
君平豈樂棄原憲本非疾中年再哭妻隣媪補綻襪
前歲大有秋猶聞飢三日夜飢甚晝飢熬煩待曉微
和睡嚼豆粒口瀟如枯稻齒搖恟顛倒腸冷憂食泄
此豈嗜好任所須非貴物誰知更難求囊貯未繼竭
人將不堪憂親朋代蹙頰曠懷殊自得怡然色不怵
得失遂同觀堪言古人達朱門視蓬戶狐貉知短褐
炊豆與梁肉較來誰優劣獨有文章事餘習未全割
勃勃膏中言如水欲潰溢逐負與送窮還嫌襲古轍

假豆鳴不平筆鋒森鬱肆語細氣不餒情苦文自活
豈真安邑累聊戲淵明乞端人一善詭聽者皆驚殺
必欲窮能詩誠愧化朽幹一詩何足道表策俱鮮匹
宜寘辟閣上太平補補弔雄文用止斯此意識悲絕
元魯一片志唯我能究詰是乎非是乎元魯應自悉

過參禮驛

紅樹參差擁驛樓三橋路直向全州秋聲每壯江流
處晴靄多生野盡頭堪笑途中元易老誰知天下欲
先憂資負養靜俱無賴漫得湖山一浪遊

到官不用杖吏補佛太守戲吟

彌勒山前帝釋里王宮塔外佛堂村下車一現慈悲
相人道新官是世尊

其二

仁弱初非學菩薩哀憐自是病維摩竊比同安官舍
裏天寒兀兀老頭陀

其三

補處恒笑金剛怒猛時要猛寬時寬我誠非佛非非
佛爾輩還當如是觀

官齋偶詠

南州物色熟聞傳身到湖山月再圓地煖人家皆養

竹野平溪水自通田民持便否言新令吏帶驚疑數
昔愆共說災鄉難久淹隨緣可耐二三年

題池閣

朝暮秋山納景新臨池軒閣本無塵脩篁急雨鳴寒
玉靜水回風盛細鱗已認琴棋多暇日空煩朱墨動
隨身平生未解求全美敢把閑官說俸貧

即景

一番鼓角響昏晨隨例開衙日整巾卒伍多稱名祖
裔儒冠半是姓蘇人官負尚繼杭為酒訟簡翻憂睡
損神竹塢花欄頗有致端要東閣坐看春

午憩滌愁樓次壁上韵

自信膏無事猶難眉除愁欲將絲似亂一付水同流
鷺下官池晚蟬鳴驛樹秋銷憂非酒力為客合登樓
曉發

曉行三十里寒日上曛曛辨樹沉煙裏看山淺水中
閒忙那自有歧路故無窮所遇多商旅行休笑爾同

監糶

倉中偏早坐衙期日日籃輦敢自遲常恐西曹彈廢
事曾無假尉許吟詩微科有課那容緩鞭撻非心更
作悲精力欲隨民力竭經冬鑷得幾莖絲

郡齋次李友 佑慶韵

溪柳成行蔭岸沙
村家合畝繞官家
湖山取醉多名酒
夏樹聞香有晚花
命駕欲忘千里遠
離羣可耐十年賒
相看為說南來久
三見園薑長紫芽

郡齋偶吟

病久翻成習官貧易養廉
身名猶外事衰懶奈相魚
倦讀時看韵宜眠盡下簾
但從花發後妻恠酒杯添
郡齋早春即事四首

憑檻日游矚流光
未覺移川燕生暗綠
無雪已多時

其二

未綠山先潤。將黃柳自柔。依稀堪遠眺。春意在高樓。

其三

橫陂漲新綠。風浪似江湖。時物誰相促。凌春見浴鳬。

其四

野色迷寒曙。烟橫與樹齊。田家方蓐食。稍稍出耕犁。

次李梁山璉謫居見寄韻

文章難濟宦。游身詞伯天。南作放臣古。國雲烟遭大。
筆他鄉水竹。餉閨人鬢眉。共惜非前相。步屨何嬾講。
夙親願子文園頻。說法餘光點化益州民。

其二

追遊翰墨老吾身久厭浮華自斷真白首寧論雕繪
業青眸獨向傑人奇堪憐永日書空字莫惜閑時下
榻塵不有官家行薄譴何由湖海得芳隣

夏日偶吟

荷淨晴朝雨色竹高靜日風聲千夢苒苒無緒夕陽
依依有情

其二

柳外人家臨水樓頭野色連天淺酌聊將一醉孤吟
漫苦三年

其三

拂塵烏紗欲整對鏡白髮新生我無一田可理誰言
五斗堪輕

次臨陂李使君

太源

來訪後見寄韻

多謝冲襟向我開慇懃更喜雨中来池亭送罷鳴騶
遠悵望欄頭一立回

原韻

庭東涼氣水堂開百日紅高踈雨来誰識欄頭寄傲
客方從使府折腰回

觀竹青村水石次會中韻

名山湊勢一泉巖不許竒觀有兩三聞說靈源佳絕

處百年先我着禪庵

詠瀑布

雪表千重谷林端百道泉有情方會合何復苦爭先

其二

闔捷巖空怒擣虛溜自奔兩情不相讓無計息喧

其三

水木無聲物雷鳴遇石頭不平休太激至竟有安流

同蘇叔行遊竹青村水石贈十六韵求和

官居學處子及日不離堂情悶如渴夫一瓢希暫涼
蘇翁導我遠籃輿向山忙原濕暢遠眺極目延秋光

疊嶂縈水石隈隩八括囊巖勢互平嵌瀑鳴隨短長
地雷常殷殷風佩時鏘鏘煩膏一蹶盪宿疴疑頓良
移樽屢占石竟夕將翱翔暮歸由深徑萬壑度松篁
高菑元老石墟寺圍顏墻回首泉聲遠易別誠難忘
云何四載間遺此十里強輒說無佳境厚誣慙一方
瞿然足反隅訖訖政所荒願君勤舉知無令一士藏

春讌冠北山

寘樽高爽地良讌屬春和綠樹天邊合青山雨後多
芳茵容對舞清吹按絃歌莫笑題詩劣其如醉腕何

次申儀甫筆壺韵

裘鍾勝似滑稽時正見申公運思奇
易得越窰新秘色人間無此畫中枝

其二

日近文房浥注時墨花常落醉中奇
酒龍寂寞歸泉下空揮書家第一枝

秋成閣十絕

龍葦館裏五驚秋慚愧家書問白頭
重欄雲山三百

里南州還有更南州

龍葦蓋
山名

其二

十年痛飲為名士一白驚人有好詩
米價東南稍解

說誰教王極日成癡

其三

三旬約可一旬閒
燕處超然竹樹間
天遠剩看通夜月
春晴細數七州山

其四

冰薄庭梅早返魂
江南正月太春溫
遙知積雪賢坊疏
水深房正漑盈宅

其五

榴花細吐房房艷
篠簹纔開葉葉尖
向熟日須沾潤力
不妨微雨晚簾纖

其六

千卅琅玕僅待芟無人解惜送詩函久知醫俗非時
義未害都供太守饒

其七

十對纖腰約素紈風流將奈鬢毛斑終然老態無因
護醉引紅粧仔細看

其八

洗心亭廢漫傳名傍樾臨灣意暫清老壁渾如無法
畫幽禽時作有腔聲

其九

一丘金城鎖險幽，峨嵋危堞寄矛頭。
無時積石蒸雲氣，終古龍藏有碧湫。

其十

春來難擣鏡中愁，袂翼如時夢翼秋。
至竟吾身閑底事，只消一字罷應休。

間居襟詠

松石南園得晚涼，病蘇木屐日登望。
可憐百草霜風裏，叢菊鮮鮮特地黃。

其二

睡鴨烟沈香欲殘，燈心一炷照書看。
哀來簾幕防風

早霽屋先秋石氣寒

其三

秋日關門冬日仍讀書簾外月三稜雪窓送白梅花
冷半是人言酒滴冰

其四

千山雪白歛氛烟南郭天寒水石偏老去樽空青眼
少小亭欲附子雲玄

其五

薄宦天南星六移營營實愧露沾衣兒童便解方言
熟田未蕪前胡不歸

其六

痼癖尋常山水深十年湖澤滙幽襟
宦情斷續隨緣止尚有攀援叢桂心

其七

晚食餘甘草坐安枯棋三百合
消閒年來已戒雌黃口且莫人中白眼看

其八

風塵寡合歡情少漫學屠龍眼自空
未必出山非遠志只憐身作白頭翁

其九

從古英雄黃卷香同隨腐草果誰強堪笑當年牛李
子長戈大戟起尋常

其十

人益智時我益癡閒當遊處倦當歸每食酒肉從容
飽不負將軍大腹皮

宿西倉

野盡臨長灣高秋倚望寒氛清山島竦潮上海門寬
水鶴盤何劇波鷗弄不閑夕陽明遠浦漁屋盡中看

八安眼島

風御冷然出渺茫望中天水更何鄉山皆穩穩平平

去松獨千千萬萬長波色穹連巒色翠漁村深似炭
村藏停車是處驚佳絕不直名臺有鳳凰

勝堰里用西倉韵

松深拒海氣山路曉無寒津逮桃源僻天開小有寬
魚鰕寧問價鷄犬不勝閒心目應長在他時夢裏看

宿維鳩店向公州

山路森寒宿霧煙袷衣嫵薄搜重綿晨征露草車聲
濕半憇晴沙蓋影圓驛樹飛殘三歲葉江皋喚渡九
回般此身竟道為誰役著對清鷗白髮前

社村郎事

山靜茅簷午影遲。倦來引枕睡多時。先秋露氣生高樹。欲暮天光生小地。斷送千愁空責酒。消除一癖久忘詩。轉頭萬事同雲水。那復胸中著險夷。

其二

深齋寂寞少開顏。多暇端憂異養間。最易光陰衰後得。不堪哀樂夢中還。病居故舊猶相念。官罷家僮轉放頑。常恠淵明猶未達。門無車馬復何關。

夕坐

新晴暑氣薄。園松滋晚碧。宴息高堂上。夕風欺草絡。

缺

即此悔往迹浮名定何益

與申生拈韵

花枝欲動雨新休老去光陰劇水流
魂夢尚猶驚申水行裝那得信
虛舟工詩抵瘦終何補樂酒成狂始
除愁漸悟本來無一事此心安處此身遊

其二

不是休官官自休讀騷安得做名流
判無食肉管城子漫許知心藥玉舟
閑後光陰為己有老來花鳥莫深愁
染髭正好從君輩在在人非昔日遊

海上漁家聚

烏合靡常燕托踈沙堤一呷限潮餘滄溟足食無荒
歲妻子同舟是定居悅鼻邦知香有麝論材不信大
如魚從來習性非詮解嬉戲先涸學步初

御製敬奉閣次韻賡進

代作

天戈一振晏溟濤恩大書難罄免毫邦域孰非援溺
後民彞猶自拱辰高宸尊制倣安皇史壇邃儀同拜
赭袍回首腥塵迷禹服百年章甫化弓刀

丁巳八月既望與蔡伯玄拈杜律韵

生衣未覺犯霜寒風徹街鐘已向殘杯到休辭終夜
滿明月還好共人看照書待鏡今何老應口飛章音

不難每恨炎江音信濶一般須報一平安

其二

一分經暑又經寒相對渾驚鬢雪殘小榻還容交趾
卧新書偏喜共燈看貧猶得得辭官易心獨嘒嘒合
俗難聞有留畬應自力山中無食老何安

涼霄漸見露華寒餘暑林園已退殘千里朋樽知
以阻一年秋月許同看流光容易閒中過遠客尋
常峽路難老去祗應加喫飯相將日日報平安
口榮終熱近瘦寒陳篇無賴巧膏殘自憐五十行
將過那復前人較得看乘甲曳兵百步止敗車疲

馬太行難着君老去思逾健撫盡吟髭一字安

伯玄

與仁叟林景朝敬行聯句

松下追涼扇不勞

如喻

新秋氣色與山高看排字睡時

抽帙乍醉叙離情細酌醪屢負幽期臨水石

景朝

非緣

俗累戀梁亭叅尋好結城南社

敬行

吾輩如今摠二毛

如喻

秋日與仁叟敬行拈韵

無事欣然對古松日長情話易從容術疎半世為儒
吏計晚衰年學老農坐處空深諸彊席病來誰問一

書封友于自有賞心樂莫復于人作過從

又次前韵

滿院涼濤起晚松林園雨色動秋容
微多向日乳箱藥霜近逢人問野農
得句吾慚塘草夢傾樽君合酒泉封
會規真率無魚味傳語作窩舊約從

人名體贈仁叟

君家漢陽城南坊繞屋喬松千萬章
著書彈琴高自尚何曾與世同其狂
我亦謬叅名士會共君要合不要離
無錢起樓知君貧未老休官由余廢
是處佳景春與秋相携陸續恣閑遊
東郭觀桃應記取城陰識

路從君謨楓丹菊黃蓋同時上馬超然如赴期樽邊
讓揖曾何暇險處登臨直不疑忽驚白毛遂病鑷老
去年紀信如隙易安誅茅容抱膝須扶登樓護失脚
縱然明朝花事好病睡起晏殊難早只向村原涉成
趣時提兒孫策扶老同盤一谷永不諼別開細路巖
苔掃喜子文章獨不哀秉管寧許時人知潛心仙
卓有得晚學杜韓愈苦思寄語兒曹翰墨場莫廢長
江萬里辭

詠菊做自一至十體

菊裁金鏤玉色敷腴性莊穆羞伍杏桃托分松竹賓

鴻若會期狂蝶無來宿西風肯許紛披寒露政堪膏
沐葉落誰知冷艷新蘭衰且喜秋香續天隨子夕餐
杞園英栗里翁朝泛葛巾漉重陽但携白酒為節難
登高獨挹紅萸令人俗奇品七十芳譜誰續石湖上
壽百二佳泉願飲甘谷

做玉連環體

相接高低白粉牆回巒同抱一園蒼口調馴鶴時來
應心惜秋荷不折房方欲共君無早晏安能對酒作
商量里童莫恠頻追會日造何妨慰鬢霜

招韻二首

宅與青山近松筠疑遠泉聽鴻愁裏夜看月病中天
藥餌微前力聰明借少年秋來無釀秫方悔不求田

其二

不恠黃花老綠何白髮生二三喜有友五十著無名
隱几冉冉睡扶筇緩緩行早知書止此學鉤也應成

次晁无咎八音詩韻

金爐藝妙香密圓心自知石榻默然坐靜極斯咸腓
絲毫孰自欺帝方聞私語竹帛猶閒思檢身懼遲暮
匏樽欲浮何茫茫彼岸涯土炭幾輕重歲晚興屢嗟
莘心郎本地誰勸汝為惡木直貴從繩微友吾焉托

次山谷藥名詩韻仁叟同賦

白頭翁雖老猶存薑桂心便決明時棄謾釣藤蘿陰

其二

霜薄荷已晚短景天氣涼特地黃花色畢叢為重陽

其三

苔滑石橋綠溪通草樹開尋常山下路長訶子不來

其四

紅花槿映籬青皮苔上木厚朴村心真兒童便似鹿

其五

病蘇子女歡蒸餅來繞膝孩兒茶飯餘狼籍地衣濕

次山谷建除詩韻示羣弟

建德譚常先自聖便非聖除惡驕為首無善焉有度
滿假招物忌巽挹為神聰平居孰長傲礪激多使性
定力苟自得性豈有動靜執事須奉盈權心要合稱
破壞在俄忽尋常御瞻乘危端總由口更復圭玷詠
成人只如此萬善原一敬收功在後福造物無定命
開眼着意觀無差理衰盛閉門宜內訟有醫莫諱病

賞菊集句贈仁叟

多是秋風搖落時含情含態一枝枝故應不屬東君

管天與清香似有私

白樂天崔魯晁
君作林和靖

其二

傾國天教抵死香不辭鴟鴞妬年芳却嫌脂粉汙顏

色香蜜染成宮樣黃

王安石李義山
張祐黃魯直

其三

籬菊開時寒有信貴遊豪士足華筵惟有淵明偏好

飲醉來但掛葛巾眠

王彥霖劉夢得
歐陽公李頎

其四

宜對琴書牕外看遊蜂非意不相干可憐此地無車

馬五柳先生本在山

岑參蘇東坡
韓文公雍陶

其五

千朵萬朵壓枝低到此令人詩思迷公子王孫芳樹

下只知春色在桃蹊

杜工部白樂天
劉庭芝林和靖

因咏菊有感更成一絕

自少難收踈懶性不如林下作遺民心知不及榮

令古往今來補達人

韋蘇州白香山
白香山李頎

和景朝卦名詩

觀人故有術升沉情乃見愠喜隨境生利心恒內戰
貧士蒙恩祿頻喜脫困賤家人日計仕先達成推薦
尋常所豫度不離為一縣君身晉仕籍三諾比古楮
銓格有井科漸喜調右選矧知無豐業願養之厚膳

鼎鑪告屢空肥澤損舊面愛錢定同人益急求差遣
健筆忽偃蹇三腹來詩卷濡需戀現職意到臨民倦
巡山喜解脫聽訟憂最殷寧約不顧忝譴譴厭官轉
君誠大有理巽言固異撰世清有夾拙關節猶爭先
高標特拔萃垂睽政為善先經我為師所厯亨屯遍
百里郎坎蛙小大畜憂煎諸眷寄逆旅老革甘侮譴
鄙瑣日盡志素履駸受變譬如既濟險震蕩追思眩
翻思我非遯減否亦何論如求白責義只消一介良
江湖波濤濤兌酒且相勸

蹇劣窘時用冲櫟隨吾初雖無大過人頻知師古

書祠官似隱遯公館比禪居徒胥解趁走盤飧豐
魚蔬兀兀恒對案資益豈少歟節序過環周仕日
漸無餘家人喜秩滿升遷由階除吾心大有遺暇
豫此莫如衙門逐旅進困悴靡簪裾曉訟豈猶人
臨民多毀譽出宰徒觀美離羣戀鄉閭食焉足
貴震蕩如浮苴有得旋有損慎無妄求諸適意在
願神此言非譫虛

景朝

詠雪回文次東坡韻

知寒曉樹亂啼雅落屑飄瓊碎碾車枝上忽飛爭戲
蝶夜分能照自繁花旗亭覓路雲通騎瓦甍藏鱗玉

覆家垂雪凍髭吟盡熱時時撥酒問錢義

回文復用尖义兩韵

尖筆凍成塗墨鴉夜光猶得暖書車簷簷滴雨非真
兩樹樹開花是便花塩絮競吟工慧女巷閣深卧閉
貧家嚴寒聞日朝陽薄繡竹低交影作义

次韋蘇州韵與兒輩共賦

前冬雪踰丈竹林多枯葉駸駸春適半平分日出入
簾動喜風緩尾鳴知露集土脉如釜蒸游氣藹厚濕
覽時應內反陽意與天接

春日少集贈羣身

天行本無體星宿乃其名春歸孰見跡草木以觀情
斗柄指寅卯微黃柳上生山川類活動日月愈清明
人生亦時物振蟄偕出驚春風似故人新服如羽輕
屏帷卷塞兌不嫌疏軒楹置酒擇閒敞同閑皆豪兄
杖屨從後先少弱分導迎佳節冠四時厚俗承家聲
篇翰積唱酬談論無忤橫誰持此時觀欲博浮世榮
豈止今詠樂後昆仔賡成

人有詠雪中鳥聞此戲題

往鴈益多雪屢白記禎瑞茫茫眼所界一色漫天地
鸚鵡向山飛目送迷歸次獨見寒鴉隊呈露知何避

丁丁端坐枝了了翻曉翅磊落輒在睹焉能進一二
鸕鷀不居陸胡燕時未至汝獨底心性偏為貞白累
伊我有深歎妍媸生譽毀譽毀苦無真妍媸那強議
皤皤還其始墨墨還其委醜潔雖相形平等和其致
從今觀白黑不生分別義

內舅頻贈用軸中韻敬和以呈

心如秋月氣如松天賜高年別有容筆健人驚碑榻
字身香衣襲藥田農經綸歲久花皆長城郭躋微草
欲封正好地偏車馬斷漁樵朝夕但相從

荒屋深深綠蔭中
花開酒熟萬愁空
多年物外專清福
意隨毫端作古風
琴客何如棋客好
乳孫不減語孫聰
翻嫌日夕啼鴛鬧
春到無傷聽卜聲

次洪軒如韻

隣翁官罷日長哦
生計林立共一涯
老去判知無盛事
閒中良易送年華
園高紅樹先迎月
門僻青山自近家
莫道吾衰差十歲
眼昏先已墨成鴉

又次前韻

人生對酒口先哦
莫辨無涯與有涯
常恠苦吟瘦子義
何勞博物著張華
情深白髮時携杖
心遠紅塵不

到家相顧休歎身共老鬢邊那得駐金鴉

又次前韵

衰年一癖是閒哦餘事如雲不可涯泉石緣何多夢
寐輕肥只得讓豪華相酬酒恣逢寬戶欲和詩慙敵
大家歲晚優遊聊及日窓前朝鵲與昏鴉

寄洪載如求和

投分同曹二十秋中年消息各南州不堪故舊多存
沒猶喜重逢兩白頭

其二

佳篇日出富三餘慚愧吾詩竟不如無怪文心工似

許計來先讀十年書

其三

閒居物物惣詩情日攪雲光與鳥聲千古劉卿同一
號清衙政是五言城

其四

休官移宅伴余閒老石寒泉共一山不有隣居來問
疾何由時對故人顏

其五

少日為文病隔靴老來神識更消磨時題數句無詮
次動被兒孫點謬謫

詠梅拈東詩韻

青柯素蘂爛相縈未臘陽春引令行淨土香嚴聞已
密仙臯玉珮弄無聲隨人早浴長含煖避雪深藏獨
媚晴趣論不求形色似松筠同是歲寒情

眼鏡

萬理無不有難以拘俗竟金丹駐身老造化失權柄
既白還鬢易已落生戲更斯言苟不誣其道豈非娥
浮慕竟荒唐秘說空玄靚熟如有鰲鯁真遣移衰盛
人生蓋將老視根先受病司官不聽心外景焉從令
指月勞為相肝風動欲競明形晦隔紗定勢搖蕩傍

矇矓反喜遠兮析端湏倩不旋長苦昧求詳愈注瞠
物彩垂朱紫人顏誤季孟刊碑僅手摸熟書徒口詠
半點憑聰聞全錯失庸行駸駸老愈至悶悶憂空恹
救藥知無法公理誰得諍瞳神正求助鏡力斯為政
名同秦照膽形別葉祠崇籠眼佛時事玫瑰西國生
玉理稟通明冰性遺溫清遠器通華夏西艦解朝聘
配眼規相當承睫環仍并神明不留礙兮別無將迎
化境奪天恣虛影生真性始聞名難信親覩理豈復
老者遐為通少者平為甯年齒有等差厚薄各得平
即此銀海在那容客塵橫雙矚忽晃朗萬品何明晟

頓令障籬去無勞花醫屏看畫火漏脫揮翰增道勁
不愁錯魚魯方期窮馬鄭園花若加紅庭草疑新道
高簷見蛛巧暗穴看鼠偵細參石丈拜端相梅妻媿
呈露雲開衡清明師會盟重瞳返四目佛眼回清淨
世界明時寬膏中瞭後正神完謝湓難忘泰工涵泳
逡巡便却老灑脫倂醒營聰明尚以力衰病誰言命
神妙不圖斯快樂遂無評琥珀功何微金篦力不惊
磨光謹拭軟善藏忌觸硬裝多屈膝疊用魚陽燧暎
遠俗易一世日用通萬姓功在義軒後傳必舟車並
機智邁中土創物應神聖鳴牀洋鍾幹利驚倭刀鋸

在門誰能揮非華惣可敬和璧非為寶仙方不足請
在夜尤奚廢漸老愈知慶日蝕何損德后明賴受証
慚愧功何忘作詩為頌鏡

與李虞臣林景質景朝族弟仁叟會隣家園亭
半世賞心僅二三向來離索各西南揮毫硯石驚豪
扶罷唱驪珠愧後探春席留人花有力夜杯生影月
同酣久知一事無關意良恠追遊老轉貪

其二

花影橫池覆五三紅雲漾日照窓南候朋塵榻先期
掃沽酒囊錢信手探病睡魔強難使法聞棋戰合不

辭酣逢君每問新書在自笑身慵意獨貪

立春

東風始至時聲氣異秋念認自仁中來天心不待問
暑退

雲薄游氛息西風盡日清竹涼初起韻蟬老懶為聲
屏扇生衣適垂簾病氣平百年寒復熱憂喜每新情

月季花

綠玉紅綿點綴長四時何日不春陽定有天心私愛
好不勝安賜許多香

其二

露浥青叢日見長
嬌紅無語睡秋陽
回頭點檢春蹊
處桃李能全幾日香

送曹叔正赴任春川

通班辭禁直外除得親歡
松桂仍宜讀烟霞不似官
有葵泉帶氣如玉蜜凝寒
勝界休窮討留同老我看
送曹兄輝世往其子任春川衙中

不問春酒薄翁心別有歡
以恩能致養勝我自為官
明月亭應掃青楓路未寒
朝廷敦孝理宜聳峽人看
夜坐

過弦月色在天東
涼透絺衣不是風
秋到聲生千樹

裏鍾鳴晝息一城中浮思已定膏何滯習氣全消夢
亦空靜處益知朝晝妄深宵默默與誰同

病居

竹葉聲乾風已秋南榮日色上欄頭糊窓隙紙偏要
厚編席經繩不厭稠寄傲著同霜菊老脩寒先為雪
蕉憂那堪舊好掩人意新酒丁丁落夜籌

次贈曹兄輝世在春川寄詩韵

顧之適俗韻無羣自孤行投分亦有所於君見交情
樂與數晨夕門巷近牛鳴會散忽無時將奈離思縈
君去餉思養山水亦云清政術觀園菜賢胤實繼聲

送君雖與榮從此無逢迎有酒誰同屬有茶誰同烹
湯丸日苦口惟慣與病爭荏苒驚歲暮流光劇奔鯨
齟齬多新豁鏡髮增前明懶慢遂成習日用無課程
消悶時一吟但許兒孫賡此時那不懷回首暮雲橫
有意莫相關感彼禽對嚶昔疾違赴約身滯徒神傾
詩來誚爽言亶亶五言城受咎吾何辭春風會尋盟

初夏

景物無如四月奇濃春纔與夏交時松花冉冉方飛
屑槐葉霏霏已展旗風雨愈知天氣好溫涼易得老
人宜對辰不覺回慵散樹年年一賦詩綠

初秋

夕酌微醺至多情
雨後園衣中殘暑氣林薄淺秋痕
月邁雲還靜虫繁夜更喧
周旋知我足無待會心言

夜坐

老去閒愁苦未寬
有書將奈倩人看
月高餘漏猶嫵
永春殘微風尚怯寒
病後自應無健筆
醉來安得不
歌冠深更獨坐如禪定
還覺衰年處靜難

秋夜與仁叟共坐拈韻同賦

薄官長無暇何心自役身
愛茲霜後月偷作飲中人
世路方嫌老隣情不棄貧
一村皆少輩應笑兩翁親

雁

星河氣肅露凝空
高雁冥冥培厚風
比月來期賓主
異經天羽力弟兄
同啣傳遠色蘆花
白叫報秋光覓
葉紅且問催霜緣
底事只應添灑鬢
鬢中

柿

吮來爽滑八唇濃
每啖驚竒若始逢
常恠仙家纔種
杏誰將道苦繁
松色如丹液堪論
品甘到瓊漿許
比
眾最愛秋園霜
葉爛頰風挹東
卯重重味

楓

色宜巖谷影宜江
細較花紅孰與雙
霜信先知多樹

地籃光忽改向山窓看時蜀錦迷寒望落處仙砂響
晚筵未必重陽偏賞菊林間一醉酒盈缸

梨

葉間磊落早垂垂霜後新肥更亞枝肌理縱綠消處
好風恣專向快中知頻能耐到經寒後差恨生非苦
熟時白雪儲精端不俗晦翁那惜一吟詩

栗

葉未全凋霜信微無風猶落待他肥一棗自坼呀黃
刺三子同胞駢紫衣療脚能如本草少似梨應在東
韓稀由來拾掇先晞露早起閒翁滿袖歸

棗

藍黃金似太原居生啖先從八月初漸抵顏紅言醉
妙明非腔赤喻心疎皴皮曝日甘逾厚濃液經年潤
有餘數果人間猶上品仙家亦大定何如

葡萄

奇產多從風域殊天駒萬里輶來俱蜂脾釀滿千房
液龍帳懸垂百琲珠易長如誇滋蔓速能纏自護上
棚孤酸襲偶與同時結尚道紫朱相亂無

石榴

三三五五壓枝低紅柰霜風苦未齊瓶口綠何傾倒

盡珠胎將使贗真迷嘉名徃徃書丹若鄉貫遙遙祖
極西供翫今人多好事艸輸半是自蠻携

銀杏

非快非甘別有佳生時適與柿梨偕無香也帶清孤
氣偶嗜聊因淡泊懷咬破角稜衣更襲炒輕火候味
方諧不花有實誠何理造化多端太巧乖

蓮子

青房折得野塘來天馬蹄寒手劈開似石却驚椎破
案如綿還喜硯治埃香綠結果專雙美淡味無常謝
五栽花葉已殘秋水冷一番餘趣箇中回

蘿藦

消氣寬中取益人
菜盤先數土酥珍
通神入夢心脾
喜嚼玉生津齒舌
新菁亦直根收別
族松將濃葉處
芳隣菜公服藥渠
何與白髮催生竟
孰因

柚子

南人庭植北人聞
但道黃金氣更芬
橘與同時終一
類柑中較味可
三分和糖液化冰
喉雪投酒香騰滿
甕雲不許離鄉底
心性厭看枳子落
紛紛

煙茶

萬曆流傳蠻草根
百年播植轉滋繁
魂還故事書傳

譯痰破初名性驗溫貪苦何心踰鱸炙噴烟無節繼
朝昏提携未見離懷袖叵耐灰煤到處痕

菊

忽挽餘春到歲寒分排專似供人看芳草自守風空
屬匝匝逾濃露一團竄得金行為正色長浮玉酌是
真餐秋光刺作繁華事使有千愁賴爾寬

新稻酒

打稻聲中秋景閒閒情始與酒相關三旬有甕皆新
釀九日無壺莫上山陳醪氣醇寧駐臚早杭香烈易
醅顏不須綠蟻求田林賞菊終同盡醉還

花饅

當筵不厭近爐烟
搏糲油鑪耐可煎
疊葉輝成單葉白
攤錢稍大五銖圓
始撈流濕停筭上
乘熱輕明響齒邊
縱道咲花無色味
此饅只似愛名然

松茸

松傍菌吐不相遙
根葉輸精木已喬
滲液及泉經幾歲
蒸成出土適今朝
充肥自別名山採
脆膩端要烈炭燒
此物最生蔬筍氣
從今梁肉意全消

蟹

斷蟹村丁宿夜郊
從今謀酒不謀肴
浦燈野炸三更

際霜降秋分二節交病嗽猶然恣嗜性持螯何必解
人嘲若令無得無監地珍重為官莫浪拋

茶

自煎從古不辭勞手煏風爐聽細濤鴻漸經中先趣
韻龍團香棗失梁膏同言北酪殊無理闔品南泉竟
孰高可惜坡翁憎啜茗惠山准解賦松醪

鶴

驚思雲海舊經過滴滴秋林夜露多對舞繁姿凌月
亂雙鳴曲吭仰天和均長鍛翻盤空勢耦立高松擇
偃柯仙馭終非為翫物行將放爾意如何

鷹

一飛衝過海天斜
棲島那縱問通遐
擬搏激昂神俊邁
登韞顧眄意驕誇
雲霄失望雙條影
霹靂收功十字爬
舊獻唐皇何處產
今無雪白與斑華

燈

倚壁金繁短復長
燈輝耿耿識秋涼
釭花有穗雙頭炯
龍紙如紗四面光
乍廢不張看月夕
頻挑常近讀書牀
黃昏每與鍾先後
始定騷騷一畫忙

簾

絃管餘材巧織成
經緯密勢縱橫
月光全得終遺

半風力雖通略似輕樑鶯繞飛方許捲海中壓靜欲
無聲階庭不識堂中事惟遣香烟冉冉生

屏

霜寒先驗菊花庭繞壁周遭書畫屏圓嶠氣吞南海
黑譙齋手熟北山青一方納日朝開牖三疊防風夜
掩櫺但恐幽深遲曙色兒曹晏起睡沉冥

碁

戲技猶知未易能兵無奇略更何憑入關疾足論成
敗冥竈隨機得減增爭劫棄城終籍寇方帑按壁莫
先登更聞國手老精思一局從朝至夜燈

香

香來寂寂令人幽
細篆繚青宛轉浮
靜夜燒殘香籙
案微時熏盡有書樓
雲毳不散升仍直
沱水多津沸
欲流銀葉蕉遲文火慢
莫教煙氣座中留

惟石

數尺螺髻翠黛深
卧遊常自得山林
雲根水氣登時
濕斧跡苔痕
繼日侵虛洞
類開容隱地
羣峯盡帶拱
尊心翻思愛小原
閒事窓對空
堯紫閣陰

觀稼

滿野揮鎌出里男
刈禾千角復千擔
耘時望獲心同

苦勞處通功意所甘雲打槽碓驚電散珠跳扇席怒
風含終輸半稅皆游手堪使來春一識慚

擣衣

秋月淒清斷送炎擣衣應照萬家簾稠砧坐想芳心
急輕杆遙憐玉指纖露下催鳴虫語雜風前歷數漏
聲兼明朝更促裁縫手無復餘情理鏡奩

秋月

如鉤竒絕吐圓巖漸上團團來掛杉霽雲四海八荒
共秋色千峯萬壑咸樽光蕩目似沉璧菊影襯人如
繡衫一年未有今宵好老矣詩情何太冗

次道以在江舍寄示韵

冰泮春江始綠時無官幸得此樓遲
雲烟定別閒中見風趣逾真老後知
隔水山多新雨色連天帆到晚
潮期翻憐吏部賢勞日有句何曾一寘思

敬廬

弊廬聊自愛餘傲寄南軒新柳太無力
春山皆欲言詩遲眠後思衣帶醉時痕
雅俗何須別客來不閉門

挽蘇知禮叔行

洙中

我未南郡日先慕叔行名叔行亦聞我
聲韻頻相傾下車即相求生面還宿情

其二

益州無一佳水淺山氣懶為仕得此官凡人意不滿
我獨有叔行八考猶嫌短

其三

君以識度勝今人無與比妙文方古昔孤竹朕遠通
嗟如叔行者寧論一鄉士

其四

學窮三墳富官終一縣卑做措曾無責經術竟何施
若道天意定胡然賦才奇

其五

談理無偏係利病相規鑄有言將叩質重泉慟莫宣
未暇悲君沒短氣為絕絃

其六

七十非上壽更少一年茲耄願失素期親朋咸滄溟
亦知襟抱曠人悲子不悲

其七

舊篋多君牘時月輒相存深藏恐遺失愛是無陳言
從此加護惜披來聲自吞

其八

聞君有新搆軋峯擁雲霞鋪寘音指點營開小池窪

荷長無人看淒涼一兩花

其九

携手登臨多歷歷猶可思悲哉文章骨應埋豆山支
今人無大筆誰撰有道碑

其十

我本無佳句有則俟君正君死不能哭哀音亦出性
遙寄送君葬有知應一詠

箕八園亭次吳生敬由韻

葉嫩近初夏花明照一園招呼無遠巷醒醉任同樽
山意長時媚禽情盡日言豈唯中院好槐柳蔭谿門

其二

主人能好客半卽郎佳園樹密疑深境花開別置樽
繼年為故事窮日有餘言我欲無時到從今莫閉門

翌日又會次仁叟韵

絕艷誰能畫花陰正午猶蝶魂迷是夢翼舌皦如韶
病健欲拋杖飲狂思引瓢君詩清更熟終愧和瓊瑤

同仁叟敬行拈唐詩韵

納窓多翠靄游矚一南山偶寡悲今老官忙憶舊閒
世緣甘苦際生計有無間弊帽馳晨陌慚同夕鳥還

送李判書晚秀赴燕

烈士恥牛從居邦辭厚俸後人病夏畦北庭公獻頌
滿旗管天下萃俗日頽甕薰器漫化藕荷堤今盡對
男兒寡九州有義將誰共南城莫咎我麟闥詎敵綜
從茲民志弱無事常懷恐忠憤亦有事經略初期用
有辭應百世力屈徒內訟祇今君子國森嚴垂義統
直以經權說心跡分兩綜湧出從下策金繒勤歲供
獨辜剝頭地偉服飄巾縫送公實無辭唯將時義誦
思名戒呼狀奉曆傷非宋在心存忠信識權行繡縫
譯老多滷古嚴束濟灤灘賣爵及公卿彼政方霜霽
莫將堯湯裔一體看胡種奇衰日東染痛禁莫暫縱

明俗蓋濫觴踞椅垂泥艷是北戾變夏無恠倒冠襪
分星同箕尾接域殊荆雍通數人所忽須認此事重
次道以謫中見寄十二辰體韵

夙惠多君名鼠獄學富汗牛千時祿庠變安能無一
跌蹄兔可忘書猶讀蘭佩水國魚龍冷醉筆蛇綰詩
興足歷塊過都神馬跡無痕掛樹矜羊角海天孤吟
猿島寒誰將鷄酒慰處約我題奔犬酬澁體才拙空
慚遼承學

其二

榮辱等來皆鼠肝駟車非泰中背足薄謹一辭金帛

闕顧兔下虧終應獲請將倚伏證猶龍理玄蛇附言
可服得失悠悠視一馬至竟亡羊歸同躅但定心猿
休求速轡鷄春明行可卜老我眼熟看衣狗煖酒陶
然擁丞腹

又次隱名驪

世論緣何持兩端奇章諸公負餽祿廷無衛霍國誰
仗史傳營窟人須讀謝事何妨閒卧洛世多杯影群
疑足未有著眼驪黃外頑石反能生頭角莫憎王孫
煩作文但避金鉅日守約和光自不來吹雪拜饋陽
家真可學

其二

老去無牙同雀角合口軟嚼如齧足文章已覺霧隱
晚軒冕誰能株守獲白首潛居筮勿用元非率然遂
初服代步日求東欸段養花春深看躑躅任性欲裂
周公衣隨分無勞越人卜搖尾向人是誰子恥操一
蹄祈鼓腹

偕隣洞諸老尋槽巖失路遂觀南營水閣徐將
軍別業而歸

山蹊斷續不成歧歷歷攀登屢險夷巖角苔深藏繭
栗松鱗雲濕動之而名區路錯空煩足壺酒游成也

解頤理屐更隨諸老後後來留約莫相違

其二

溪上盤桓石上留未寒天氣屬三秋秋山不必求名
界何處無楓與水流

其三

名園鋪置儘幽奇經始將軍獨自知計到十年身後
否掛弓松下草離離

其四

高閣竚然跨壑空天成階礎少人工紅欄素瀑松楓
東疑坐譚翁畫幅中

偶坐寄曹安州求和

翁年六十鬢如絲
瀆落唯堪養得癡
曉窗愛多雲起
虛寒禽疑識
雨來時病嫌
盃酌工
帝睡懶恨風光不
助詩賴有東隣諸
長老平常談笑日
追隨

洪咸興叔章監役汝章次余詩韵見寄和送

莫把閒愁亂似絲
聞君歎老笑君癡
傳杯定覺稀年
輩照髮奚疑異
昔時善攝餘功能
捨杖勞心一事但
吟詩秋風興到須
相報何處招呼不
可隨

其二

驚歌抽心菊秀歧
人生終古到秋夷
優游歲色真聊

爾悅習工程僅學而爾疾何妨風塞耳吾衰已甚雪
盈願相邀不報終金玉我豈遺君君我遺

次曹安州遊孫家庄聯句韵

共愛孫庄好秋來期更尋公門縻吏牒幽討讓朋簪
村落聞如古林亭記至今獨留秋興倦羣往曉寒侵
雨洗螺鬟淨雲連雉堞深翠嵐通細迳丹葉耀全林
嵌石泉噴玉陽崖菊散金君方搜挹犢我獨賦嚶禽
一事堪寒甚無人喫點心同時原憲病半日子素琴
囊富吟秋什鞭忙帶月砧嘔心無負腹何似我孤斟

和趙寬甫用吾詩韵見寄

塵累駸駸感素絲能言米價便成癡夢中權戚多陳
境交際襟期在盛時似舊風流君不老至今歇后我
無詩歲寒閱歷方知操自顧龍鍾愧莫隨

其二

浮想年來擬斷絲平居靜聞坐如癡先憂已矣誰知
志談世終然不識時調補無功前日藥箴規獨賴故
人詩身衰轉覺君家遠晨夕郡由步屨隨

周甲日次朴儀甫見寄韻

現有吾身六十年今年甲子己周天生朝淚暗情何
極韶歲形孱老愈然幸免浮沉游苦海尚憂豐盛在

心田後生無怕持恭禮論輩推渠文祖邊

偶吟 如夢令

隣媼壚邊新酒奈我囊錢無有閒興若為消除是一
尊三斗多負多負滿院落花烟柳

直舍春盡

直舍送春過罕聽鶯歌小池經雨欲生荷匹耐米塵
時作霧雀噪人譁 千夢渺無涯簾日橫斜半庭槐
柳綠陰多花謝不知身亦老猶戀傷秋

對酒贈仁叟 一剪梅

庭樹生陰綠滿堂風送微涼雨送微涼誰將薄酒較

茶湯酸也何妨苦也何妨 暫駐流年是醉鄉頭已
如霜鬢已如霜惟君清興老逾狂朝嘔詩腸暮嘔詩
腸

寄景朝兄弟間有所賦用其韵 水調歌頭

倉僻青山近繚繞倚層城憑高滿眼春樹阡陌萬煙
平藍黛微分濃淡樓閣饒含氣色全似畫中明離索
多怡悵佳節若為情 指點是君家處暮雲橫伊來
古屋深巷花鳥以為生共誰清談揮塵應笑青衫白
髮乾沒老無名四美賞心少樂事待君成

杜堂次仁叟見寄韵

童年讀書地重理屬悲翁短鬢先愁白凋顏倚醉紅
夢過驚甲授萍聚喜庚同經卷吾何有惟應長睡工

其二

罷官身且老歸宿在林臯酒薄從盃滿羹麕厭筋撈
養愚誰擇所休病未為高久矣牙車豁何難斷嗑膏

其三

窈窕阡崗屋林谿接漢湄暫來尋舊計回憶少閒時
置我看書興遲君載酒期山居寒更好除是老年知
夜坐拈韻共賦虞臣以明日將歸

林外知山近無時有過雲身衰求煖坐思短廢艱文

樂意看常飯清言在夜分隔江雖小別離句不堪聞
記丁丑冬余年十四未冠從伯氏讀書此中松
池李丈過而悅之遂留同業盡除而罷時有賦
七絕循吾輩之請也其再翌年己卯吾伯氏損
世李丈之沒亦二十有年矣今余同虞臣景朝
敬由復為讀書來停于此念丁丑事如昨日余
雖頑甚能無悲乎虞臣適先歸夜與景朝敬由
步李丈韵仍寄虞臣虞臣雖懶當不辭和此至

月四日

向老心情似薄嚙悲懷常結社山雲如今學舍重來

住誰復提携勸我文

其二

念昔劬書惜曉燠肩隨問字慕機雲寒燈今夜松聲
裏恰似當時跪受文

其三

幾年春晝與秋曛封樹蒼蒼已帶雲病眼只緣多淚
暗此中還愧廢脊文

其四

老來容易送朝曛往事經心摠水雲最是難忘家西
日良師一語悟為文

其五

坐占窓光異午曛愁人脉脉祇看雲
檢來五十年間
事何事堪能直一文

與景朝敬由拈韻

林下誰無志浮生晚得棲留紅殘葉冷攢碧
遠山齊
眠起先寒雀吟行過午鷄不聞城市事惟望暮烟低

分韻聯句

林樾擁人居村情如在山

愉

京城劣由旬朝晡捷往

還朝耕巖真谷口遯世非商顏

由

負嶽瞻郡望隔津

通市關

愉

鵬噉俛東北螺髻逞窺覷

朝

邃壑斧鑿揜

森木甲鱗探

由

席跡橫林黑牛蹄憚石頑

愉

舊學惟

下董幽情廬迓班

朝

會文馴洞鹿休吏放籠鵬

由

求

益盍羣簪教兒剪三孱

愉

祇為歲慘惓何憂旅食艱

朝幾年勞遐想此日幸同攀

由

蓬性容扶直禽情樂

對喧

愉

掃室席藉蒲策驢蹊刈管

朝

江麓歷風磴山

厓叩雲關

由

耐靜心先老無官累易剛

愉

人事民方

隩天時曆且頒

朝

壁薜留乾碧林楓罄殘殷

由

松寒

滯吟簫雲凍靚髻鬟

愉

破瓦山淨靄堅冰泉歇潺

朝

蓋藏休傭役熏堽蟄瘡痍

由

夏居應爽塏春聽負綿

蠶

愉

近京人業市處僻俗不姦

朝

泉甘太行陽薪饒

漆沮間由殘年貴秉燭謏聞漸窺斑喻隨殼徒學羿

代斲那追般朝執禮雅言討諷詩邪思閑由窮探靡

細大叩難各方園喻猶能寸心長益知分陰慳朝窓

燈耿三餘山月從屢彎由飯儀齋無鍾詩罰酒代鉞

愉佳境比啖蔗善謔非秉簡朝地難得情便思欲出

塵寰由獨隱身非豹有待情似鷁喻手卷須靈鑿眼

花愁斑斕朝嘯詠蓄薇洞禪誦策莛灣由好事終有

時人生苦小間喻年齒各遐暮顏貌謝麗嫺朝聚散

如曉星歲月驚循環由清談也媿媿老睡何繇繇喻

坐久燭頻跋題罷筆欲鬲朝前修遺蜀緬後來感淚

潛由

登狎鷗亭次杜詩韵

水雲常滿檻涵影日初斜
文藻餘孤鶩仙風杏袖蛇
半天羅點黛一眼界橫沙
遠矚窮回轉寒流作幾巴

其二

亭寒楓葉墜徙倚晚風斜
灘下迴澄練峯前落影蛇
秋聲多渚樹佳氣在雲沙
聞有金崗好濫觴知自巴
夜坐與仁叟敬行拈韵

地偏心自遠求靜不求山
覓句頻搔首觀梅足解顏
屏帷高燭煖霰雪廣庭閑
老大身無事唯君最往還

翌夜又招韵

君不来時我訪君
追遊日覺少吾羣
頭盈霜雪空千丈
眼借琉璃未十分
松竹韵長欺暮歲
星河影動射寒雲
每愁永夜無消遣
閒話何須求異聞

翌夜又招唐詩韵

不怕風威挾雪驕
先將梢桷滿爐燒
生來未見乘錢鶴
老去無心獻賦鵬
故紙一窓霜氣暈
寒鷄萬屋夜聲遑
有時撰述從今賞
渾渾何須說姒姚

其二

駭客深居迹近驕
晝琴彈罷夜香燒
凡禽著畜彭家

鶴神畫珍藏宋帝鵬近體詩難言漢魏舊勅書或度
金遼機權不問人間事幾箇生張與死姚

其三

數萼盆梅擁煖驕勝如庭院萬花燒揮毫有力思奔
驥覆韻多中比射鵰世棄何妨魚在水才微良愧丞
居遠出門獨被街童笑裘馬人人矜治姚

翌日又次唐詩韻

方信童心便老心急遊未解惜分陰曾愁每譙巡盃
冷今受諸隣讓坐深爛牘時收先輩筆古調難責俗
師琴聲詩綴善知何用良恠秋虫自苦吟

翌夜又次李太白韻

庭松共我老寒翠八簾窺書面空花亂梳前落雪滋
覓心么麼在視日剝那移歲暮偏難遣愁生亦有時
正月三日夜同仁叟敬行次蘇州絕句韻以寄

虞臣景實兄第求和

新年眉月現山淨斂寒烟宵短纔論刻猶堪盡意眠

其二

開戶村聲遠拋書燭影閒經寒知病鬱消散待春還

其三

無牙謝硬韌長恐滯脾家君豈不哀者嚼青如嚼花

其四

冬煖逐無冰，輕裘愁汗液。
元朝喫冷杯，到老斯今覲。

其五

南江懷一李，西城憶兩林。
尋常三日遠，歲改若為心。

其六

門外一行柳，堂前百種花。
煩君莫遠出，春賞要非賒。

夜坐與仁叟拈杜詩韵

一觴便一詠，多事暖愁生。
久媿碑無字，那論畫有聲。
叢深花匝匝，池靜月分明。
賴是君同興，詩名滿漢城。

月夜與文唐兄弟拈唐詩韵

閑興休言減昔時清宵待客反嫌遲斷腸無奈花前
酌懶昌猶多春後詩下到暖風調夜快適來明月趁
人期白頭偏籍東君力從此愁端不上眉

翌日又成一律求和

莫笑蘧蘧病老翁眼昏猶辨杜鵑紅簷頭愛日浸移
北簾外和風盡自東藥葉舒開縐紫蠟楊花吹落散
青虫向榮物色朝朝異天到行春不計功

即景

疎箔無風到地長清朝掃除小庭方榴花久對晴何
厭荷葉閒看意自涼老去身名如隔世病來心計不

離房舊緣只有牀書在靜几明窓未遽忘

夕酌夜醒

三更睡罷眼猶花殘醉要醒強啜茶曉月光疑霜滿
地秋雲勢作浪淘沙纔能病少那禁老縱使官閑不
似家夢想緣何尋往事少時奇氣亦青霞

寄白川守朴公瑞

端居多遠想見月憶情人早托襟中契非增婚後親
三年黃海郡十度碧瀾津悄坐應無伴涼宵獨酌頻

其二

聞之佳山水稻田接海隅粘餐誇別產蝦蟹供仙厨

未害無紅妓終難止白鬚祇應仁愛性頑俗化鞭蒲

其三

銀洲休說遠屬水即邦畿歲熟僑氓善治成訟牒稀
漂陽詩有暇彭澤醉無譏西望空流想論心恨久違

九月三日與仁叟敬行拈蘇州韻

隣居日乘興步履無晨曛玉爪初痕月寒綿細擘雲
黃花元有節白髮自為羣只恨聰明減消望一斗文

九月七日雙檣亭次杜詩韻

老去閑愁苦未寬名園選日有餘歡幽泉養菊堪供
飲細迳穿蘿不礙冠霜淺愛他紅葉早杯深忘却翠

霏寒明知分外南山好秋色端宜共衆看

十一日重遊在山樓次少杜韻

前宵錯恨雨霏霏恰作新晴洗翠微緩步何煩攜杖
去淺斟終限盡壺歸千峰秀色凌秋氣萬井烟花和
夕暉山菊不同家菊鞠落英無數點人衣

寄朴儀甫周甲日

從古高齡孰自期况君多病少年時始開七耄方言
壽向後期願未有涯

其二

幼年性格本清真家訓兼承詩禮醇曾謂典刑君尚

有祇今仍作老成人

其三

我始能言君始步通家誼自吹葱遊相呼小字渾如
昨堪笑今成兩白頭

其四

悲澤孤靈是吾生磨蝎重驚迈歲名遙想駱山補壽
日君應知我去年情

李判府事周甲次軸中韻

如今開七耄邀筭計方來枕洛龍間卧扁亭鷗不猜
尊兼論齒席德在醉人杯賜几應重賀新詩擬續裁

紅藥丹榴似昔時老年逾覺日遲遲明知少客猶心
待久廢看山獨憶奇止酒篇成那止得休官年到便
休之賴君起我多春興續札能題四句詩

御製賡韻

代作

山迎清蹕碧連娟雲罨迤迤釋野田一豫恩均農與
士萬家歌詠不勝絃

其二

恩海逾深瑞月娟天垂嘉澤雨私田推知八域熙熙
化盡在薰宮一按絃

立冬夜箕八宅拈韵共賦

白髮隣遊興不微南塘霽色月初飛樽深五夜猶投
轄菊花三秋過授衣燭短題詩真雅集鍾鳴分路始
扶歸芳園自是天倫事此會端知近世稀

失題

暝八前洲鴈不飛傍村帆影落微微籬明菊蕊應須
泛草放驢兒未擬歸病葉吟風臨絕岸孤烟將雨隔
秋暉良辰未便甘高卧随意清霜灑弊衣

同仁叟拈韵

三夏平分半睡中清心賴此有松風本非踈鬢綠詩

白聊喜癯顏借酒紅閑處留朋常恨遽懶來記課日
書空休言老去無長進習靜應多歲計功

初日蒼涼夕照微鶯啼花落鴈飛飛七分是食三分
睡誰管甚麼閒是非

其二

老去忘情軀自安多蔬少肉且加餐春花秋葉雖云
好懶卧無心看一看

赤城福小枕山隈沙澗無聲繞岸迴近野園池花事

少燕歸客我識春來

其二

無泉無石一坡隈縱有登臨倦易迴谷東聞楚誰不
喜二賢難得響然來

其三

家住南山隔一隈幾年晨夕各消迴知君是處詩情
妙何用須人一唱來

其四

南子膏中去隄隈平平周道直無迴六經新義究終
始孰貴專從詁訓來

十年燈下也伊吾道我非儒猶是儒未解八玄談理
字獨漸於此少工夫

其二

分析蠶絲不足細詳言昏燭未為明慨我白紛猶未
了生薑始道士中生

其三

惺惺無適略提撕說得逾詳聰逾迷柏樹庭前何做
作兩家捏就一團泥

其四

這箇當紅這箇黃擬將名目覓春光春光認
名言
外獨對東風舞一場

送林副使景昭赴燕

年來多病罕追隨未始燕行是別離可異如今惆悵
意頓非相望隔城時

其二

奇衰眼歸日東流儘恥箕邦學滿州祇此已歎觀世
變支離不復說春秋

其三

病室無朋書亦忘消來一晝抵年長行人未足貪遊

日飛雪帝鶚轉晴場

其四

山川物色助詩神
歸日傳看病眼新
燕薊舖中千裏
藥孰如佳句解醫人

[illegible]

[illegible]

三清洞

八洞疑無路度梁喜有天人煙還福地詩酒擬真仙
松迥風長韻巖嵌瀑屢懸明知朝市內幽處更悠然

清風溪亭子

清溪蘊窈窕丞相有亭阜山靜階花積風清廟柏高
林泉知晚節棹楔感輕毛眼慣如曾到譙翁畫幾遭

秋詠

近來年紀到溫飽念生涯借客觀郊稼課僮運峽柴
種松西海上收粟北山厓問舍江湖裏他時娛老懷

偶吟

牀牀靠壁積書安行處披吟坐處看一席為誰虛座
右擬容紙閣護梅寒

四月雨後

新晴天氣別初日淨無塵遠樹濃如畫山山翠映人
久乾宜小潤方夏勝殘春寒暖今時適生衣愜老身

登架山巖

崇峯忽戴石高處更登高日月行無障山河勢莫迤
乘危觀始壯縱目意先豪暨出浮塵外煩襟盪一遭
甲辰七月桂房復設吾拜衛率道以拜洗馬伴

直共賦

僊直仍多伴夜時挑燈忘却漏聲遲伊來喜氣盈金
闕禁樹初涼也未知

其二

邦籙無疆禮有時與人望切尚嫌遲微臣得近
闈侍歡慶私忱似獨知

會伯常可肅道以共飲

醒時那有酒時歡任甬千愁賴此寬痛飲一春能幾
得良辰更值可人難

其二

我醒人醉意猶歡酒戶從君似海寬短飲何關修養

事只緣鯨吸對出難

東小門外朴都尉亭子次會中韻

都門聯步度平蕪洞裏桃花向萬株可喜泉庄排得
好何妨竹所宜未娛乘春病脚能追健強酒詩場不
許枯近郭樓臺多少處溪林有似此中無

到官不用杖吏稱佛太守戲吟

忍性何論肉鼓吹輕辜時斷意無歡制鞭尚用桮枝
細寬視劉寬已不寬

巡使有看梅詩求和謹步

日作看梅會初非選勝游

缺

畫閣笙歌煖紅殘翰墨流幕僚容簡率豪興倚南樓

春日登南麓敬次 仲父韵

不是登臨興最多韶光無奈逼人何政東春氣冝薰
酒轉撥豪情欲放歌花柳未闌全樹在清明嬌早一
旬過芳躋永日穿桃李歸袖薰香似百和

可肅來宿三夜而去客地逢別怡悵在心時蔡
伯玄亦來夜坐共賦二絕寄可肅求和

逢君喜似還鄉日送子愁同下第時向暮悄悄難遣
得自憐心弱總緣衰

其二

三宿如何補遽也天涯猶有隔年時依依似別佳山水將賞雖闌興未衰

又共伯玄聯句以送其行

十載城南酒三霄郡閣燈

愉

遽迤來遠駕邇近得高

朋

玄

傲骨貧猶在清詩老更能

愉

南州多美績此會

也堪增

玄

又次聯句韵

話與冬霄永曙窓猶照燈強顏多俗務積抱待良朋
得韵爭先就逸杯恕未能知有明朝別新愁可耐增

拈宋詩韵與諸從共賦

稍愛新蔬間果茶對春開釀綠生波青歸柳柳微風
轉碧染山山過雨多真率直要成雅會留連何至賓
行窩東和獨喜沉疴除漉酒翻將舊藥羅

硯

金星黝黑馬肝紅性理雖同色不同呵逼雲根殘霧
滴鑿開城趾小池空身安鈍靜能持久心謝塵埃屢
洗中四友周旋雖共室許君終作主人翁

墨

陳膠似石遠煤濃樊木浮青鐵臼舂香劑盈盈調腦
麝金塗色色盡仙龍縱渾丹碧寧渝改長引縑毫為

後從古譜不須依作餅清油真惜費如松

筆

細言針末大言枉同是毫心管作腔飽似草花含露
頴渴成枯蔓拖枝雙投來定遠能飛肉用處安仁得
瀉江裨補聰明雖賴汝且多民俗斷淳庵

次仁安患耳鳴韻

誰遣啁啾響耳中始知天籟自生空醫言聞性皆由
腎病是虛歲却受風鼎竅蛭鳴聲欲亂牀心牛聞夢
還聰恰如瞪目生勞相塵世無人不瞽聾

回文粘頭尾韻

生草春塘綠水清來活泉名花分態色恠石訝真天
行屐休多病課詩減計年成愁養懶習節晚委小田

次景朝數詩兼寄景質德山縣齋

一識君兄弟開襟便送抱二難才可畏開口發天藻
三教無常師因文事幽討四璉雖乖今終當補世寶
五馬送阿伯阿伯鬢既皓六齡君少我猶非舊顏好
七言揮健筆鋒銳恠不老八斗用何匱欲酬疲起藁
九日憶醉令官田饒秫稻十韻湏憑寄仍要和來早

做山谷二十八宿詩

浮名計來終兔角亢身有道無如學主一譬如以暑

地專攻文房竟何覺治心政可言終始此事有頭當
有尾名教人人作箕裘剖斗折衡言何鄙青牛氣紫
魯誰傳天女談禪恐無理吾儒獨無虛夸跡危微妙
在精一力升堂八室勿早計但要志固如墻壁發揮
羣經在奎運精析離婁不足明抱此方思浣腸胃日
短昂南愁趁程佔畢未辨來訛鑿訓音猶昧黼屬文
參前倚衡且有年鑒升尚愧見泥濘文能泣鬼定何
用柳旣生肘祇自悲銀補有星不分明竟使主張非
吾為只當翼翼求寡過琴如去軫絃將奈

九月三日與仁叟敬行拈蘇州韻

對菊那無酒尋隣不妨曛詩傳萃洞瀑筇帶道峯雲
攻槩君多累登高我失羣難消秋夜永剪燭細論文

春帖

洪州

倚枕占維魚之夢大有其年開籠矣放鵬之心既濟
吾事

化日長春皞皞東方君子國壽域再頌煌煌南極老
人星

蘇州判題自期京兆之五日平山行樂愧非太守之
千鍾

割鷄貴絃歌之化誰喜柱後之彈放魚任校人之欺

我無鉤距之術

歲首巡營賀狀

益山

棠陰一路舉仰有脚之春柏酒三元益頌醉心之德
寅正一日申賀二天伏惟云云威重雪山惠施兩澤
剗理不勞枉盤錯峴首之裘帶方閑流亡賴集於懷
安青州之薪水得法茲遇令節爰舉賀儀伏念云云
才乏循良誠忉撫字金馬舊地愧蔑淳古之治土牛
新年粗勉稼穡之政

六月十五日會于翼廊避暑共賦

出門真櫺櫳閉戶即山林棋靜依風牖蟬清對暮岑

會文序樂事携酒領深心
朱夏無人用優遊送砌陰

深巷慙慙喜遠尋
高齋久坐兩森森
留題舊紙多佳什
恨別經年一好音
青眼幾回他日面
白頭方見故人心
堤山漠漠今將返
須寄書封慰我襟

我無能事之術

康有述

原陰一陽舉抑有勝之春和酒三元並續醉心之德

與王一日申領二天伏非云云威重雪山忠於西澤

事經不勝其望望之東海方有流亡之難無和情

人亦與山對對今部聖臨海言性靜神清伏在云云

林冠國瑞和一等苗苗補第四州中白頭之賢也

新張國瑞善道最高德人聖兩森森留駐慈航定計

六月十五日會于寶所遊樂其時

會友我輩軍裝而聚聚於水真海人與聚聚並時

